

歷代帝王曆祚考

歷代帝王曆祚考卷之二

新安吳繼安康侯甫編輯

吳明春伯生甫攷正

孫用之爾行甫校閱

周同姓諸侯

魯國

魯都曲阜侯爵姬姓武王弟周公旦封於
魯公畱相王子伯禽就封次子相王室代
爲周公餘封小國六凡獎邢茅服祭皆周

公之後始伯禽已卯終頃公壬子二十九
世三十四君共八百七十四年楚滅之

魯公名伯禽周公元子武王元年已卯就國
立六十年

考公名箇魯公子已卯立在位四年

煬公名熙考公弟癸未立徙魯築闕門在位
四十六年

幽公名宰一名圉煬公子已巳立在位十四
年弟潰弑之

魏公名潰煬公子癸未弑兄自立在位五十四年

厲公名擢魏公子丁丑立在位三十七年
獻公名具厲公弟甲寅立在位五十二年
眞公名湏獻公子厲王二十四年丙午立在
位三十年十五年庚申是共和元年

武公名敖眞公弟宣王三年丙子立在位十
年與長子括少子戲朝周周宣王愛戲立
戲爲魯太子公歸而卒戲立是爲懿公

懿公名戲武公少子宣王十三年丙戌立在位九年爲兄括子伯御所弑

伯御太子括之子武公孫宣王二十二年乙未弑懿公自立在位十一年宣王伐魯討而殺之立懿公弟稱

孝公名稱懿公同母弟宣王三十三年丙午立在位二十七年

惠公名弗湟孝公子平王三年癸酉立在位四十六年

隱公名息姑惠公長庶子平王四十九年己未惠公卒太子允少隱公攝政在位十一年公子翬爲允弑之

桓公名允惠公太子桓王九年庚午弑兄自立生子同慶父叔牙季友在位十八年與夫人如齊齊襄公與夫人通因使公子彭生弑之

莊公名同桓公子莊王四年戊子立在位三十三年夫人哀姜無子嬀叔姜生子開公

愛党氏孟女生子般欲立之叔牙欲立慶父公酖叔牙屬季友立般公卒慶父使圉人犖弑子般於党氏立開季友奔陳

湣公名開莊公子惠王十六年庚申立在此位二年慶父與哀姜通謀自立弑之季友自陳奉湣公弟申入立之慶父奔莒

僖公名申湣公同母弟莊公子惠王十八年壬戌立在此位三十三年誅慶父以汶陽費

封季

號曰成季

文公名興僖公子襄王二十六年乙未立
在位十八年長妃哀姜生子惡及視次妃敬
嬴生子倭倭私事襄仲襄仲殺惡及視而
立倭魯由此公室卑三桓彊

宣公名倭文公子匡王五年癸丑立
在位十八年

成公名黑肱宣公子定王十七年辛未
立位在位十八年

襄公名午成公子簡王十四年己丑
立位在位

三十一年太子野立三月卒乃立櫜

孔子生於襄公二十二年庚戌乃周靈王

二十一年

昭公名櫜襄公庶子胡女齊歸所生景王四年庚申立在此三十二年欲去三家不克出奔卒於乾侯

定公名宋昭公弟敬王十一年壬辰立在此十五年

哀公名蔣定公之子敬王二十六年丁未立在此

位二十八年公欲以越伐三桓三桓攻公
公奔衛如邾遂如越國人迎歸卒於有山
氏

孔子卒於哀公十六年

悼公寧哀公子貞定王四年乙亥立在位三
十八年

元公名嘉悼公子考王十三年癸丑立在位
二十一年

穆公名衍元公子威烈王十八年甲戌立在

位三十一年

共公名奮穆公子安王二十六年乙巳立在位二十四年

康公名屯共公子顯王十七年己巳立九年
景公名偃康公子景王二十六年戊寅立在位二十九年

平公名旅景公子赧王元年丁未立十九年
緡公名賈平公子赧王二十年丙寅立在位二十三年

頃公名讎緡公子赧王四十三年己丑立
在位二十四年終壬子楚考烈王十四年伐
魯滅之公卒於柯魯亡

晉國

晉都翼侯爵姬姓武王幼子成王同母弟
叔虞封於唐地國號晉至昭侯封文侯之
弟成師於曲沃後滅翼迨景公乃遷新田
始叔虞辛卯終靖公乙巳凡四十君共七
百三十五年三晉滅而分之

唐侯名叔虞武王幼子初武王與虞母會時
夢天謂曰余命汝生子名虞余與之唐及
生有文在手曰虞武王崩成王削桐葉爲
珪以封虞爲戲史佚諫無戲言成王六年
辛卯遂封之於唐故曰唐侯

晉侯名燹唐侯子徙居晉水是爲晉侯

武侯名寧族晉侯子

成侯名服人武侯子

厲侯名福成侯子

靖侯名宜曰厲侯子厲王二十一年癸卯立

在位十八年十八年庚申是共和元年

僖侯名司徒靖侯子共和二年辛酉立
在位十八年

獻侯名籍僖侯子宣王六年己卯立
在位十一年

穆侯名弗生一名費獻侯子宣王十七年庚寅立
在位二十七年子二長仇次成師

殤叔穆侯弟宣王四十四年丁巳自立
在位

四年穆侯太子仇率其徒襲而弑之

文侯名仇穆侯子幽王二年辛酉弑殤叔而自立在位三十五年

昭侯名伯文侯子平王二十六年丙申立封文侯弟成師於曲沃號爲桓叔桓叔年五十八好德曲沃大於翼晉國之衆皆附焉昭侯在位六年潘父弑之迎桓叔晉人攻桓叔誅潘父立昭侯子平爲君

孝侯名平昭侯子平王三十二年壬寅立在

位十六年曲沃桓叔子莊伯鯈攻而弑之
鄂侯名郟孝侯子平王四十八年戊午立
在位六年

哀侯名光鄂侯子桓王三年甲子立
在位八年曲沃莊伯子武公稱伐而虜之

小子侯哀侯子桓王十一年壬申晉人立之
在位三年武公誘召殺之周桓王使虢仲
伐曲沃乃立晉哀侯弟緡

晉侯名緡哀侯弟桓王十四年乙亥立
在位

二十八年曲沃武公伐而滅之

武公名稱莊伯子桓叔孫卽位曲沃三十七年伐晉侯緡滅之盡以其寶器賂周請命爲諸侯釐王四年癸卯始都晉國更號曰晉武公在位二年

獻公名詭諸武公子惠王元年乙巳立盡殺桓莊之羣公子始都絳在位二十六年九子嬖驪姬殺太子申生重耳走翟夷吾奔梁獻公卒荀息立奚齊悼子里克弑之

惠公名夷吾獻公子襄王二年辛未秦繆公發兵送入晉立之在位十三年

懷公名圉惠公子質秦逃歸襄三十五年甲申立在位一年文公入殺之

文公名重耳獻公子襄王十六年乙酉秦繆公發兵送入晉卽位時年六十二晉始霸在位九年

襄公名歡文公子襄王二十五年甲午立在位七年

靈公名夷臯襄公子襄王三十二年辛丑立
在位十四年暴虐無道爲趙穿所弑

成公名黑臀文公子定王元年乙卯立
在位七年

景公名據成公子定王八年壬戌立
在位十九年立趙孤武爲趙後復與之邑

厲公名壽曼景公子簡王六年辛巳立
在位八年爲欒書中行偃所弑

悼公名周襄公之後襄公生少子捷捷生惠

伯談談生周簡王十四年己丑立年十四
歲在位十五年

平公名彪悼公子靈王十五年甲辰立
在位二十六年

昭公名夷平公子景王十四年庚午立
在位六年

頃公名去疾昭公子景王二十年丙子
立
在位十四年六卿誅公族而分其邑晉益弱
定公名午頃公子敬王九年庚寅立
在位三

十七年逐范吉射中行寅於齊

出公名鑿定公子元王二年丁卯立在此位十八年智伯韓趙魏四卿攻公公出奔道死哀公名驕昭公之後昭公生少子雍號戴子戴子生忌忌生驕忌善智伯蚤死故智伯立驕貞定王十四年乙酉卽位在位十九年政皆決於智伯趙魏韓乃共殺智伯分其地

幽公名柳哀公子考王四年甲辰立在此位十

八年夜竊出邑中淫婦人盜殺之

烈公名止幽公子威烈王七年壬戌立在位
二十七年韓趙魏初請命爲諸侯

孝公名頎烈公子安王十年己丑立在位十
五年

靖公名俱酒孝公子安王二十五年甲辰立
在位二年終乙巳韓趙魏遷靖公爲家人
而三分其地晉亡

衛國

衛都朝歌侯爵姬姓成王封武王弟康叔
於衛從康徙封衛始康叔戊子終衛君角
壬辰四十一君共九百零五年秦滅之
康叔名封武王同母少弟成王三年戊子就
封爲康誥酒誥梓材以命之

康伯名牟康叔子

考伯康伯子

嗣伯考伯子

康伯嗣伯子

靖伯康伯子

貞伯靖伯子

頃侯貞伯子德衰不監諸侯乃從本爵稱侯
僖侯頃侯子厲王二十五年丁未立在位四
十二年十四年庚申是共和元年

武公名和僖侯子宣王十六年己丑立後犬
戎弑幽王將兵救周有功平王命爲公在
位五十五年脩康叔之政沒稱睿聖

莊公名揚武公子平王十四年甲申立在位

二十三年

桓公名完莊公太子平王三十七年丁未立
在位十五年爲弟州吁所弑

州吁莊公嬖妾之子桓公弟桓王元年壬戌
弑兄自立在位一年石碯與陳侯謀殺之
宣公名晉桓公弟桓王二年癸亥立在位十
九年殺子壽及太子伋立朔爲太子

惠公名朔宣公子桓王廿一年壬午立三年
左右公子攻之出奔八年癸巳齊襄公納

惠公復立二十年共在位二十三年

衛君黔牟太子伋弟惠王元年乙巳立在位
八年惠公復入出奔於周

懿公名赤惠公子惠王九年癸丑立好鶴淫
樂奢侈在位八年狄伐衛殺之

戴公名申黔牟弟昭伯完之子惠王十七年
辛酉立在位一年卒

文公名燬戴公弟惠王十八年壬戌齊桓公
率諸侯伐翟築楚丘立之在位二十五年

成公名鄉文公子襄王十八年丁亥立三年
出奔二年復入誅元咺在位三十五年

穆公名遯成公子定王八年壬戌立在位十
一年

定公名臧穆公子定王十九年癸酉立在位
十二年

獻公名衎定公子簡王十年乙酉立十八年
孫林父甯喜攻公出奔齊十二年乙卯獻
公復入立三年共在位二十一年

蕩公名秋定公弟靈王十四年癸卯立在位
十二年晉誘盟而執之復入獻公

襄公名惡獻公子景王二年戊午立在位九
年夫人無子賤妾有身夢人謂曰我康叔
也令若子必有衛名曰元已而生子

靈公名元襄公庶子景王十一年丁卯立在
位四十二年太子蒯聵欲殺夫人南子不
克出奔宋已而入晉趙氏

出公名輒靈公孫蒯聵子敬王二十八年已

酉立十二年父入出奔齊四年乙丑復入
立二十一年共在位三十三年

莊公名蒯賁靈公子出公父敬王四十年辛
酉自宋入立三年戎州告晉來伐出奔死
於己氏衛人立襄公孫斑師齊伐虜之

衛君名起靈公子敬王四十三年甲子立一
年石曼專逐之奔齊出公復入

悼公名黔靈公子出公叔貞定王十五年丙
戌逐出公子而自立在位五年

敬公名弗悼公子定王二十年辛卯立在位
十九年

昭公名糾敬公子考王十年庚戌立在位六
年公子亶弑之

懷公名亶威烈王元年丙辰弑昭公自立在
位十一年公子頹弑之

慎公名頹敬公孫公子適子威烈王十二年
丁卯立在位四十二年

聲公名訓慎公子烈王四年己酉立在位十

一年是時三晉彊衛如小侯屬之

成侯名逝聲公子顯王八年庚申立在位二十九年衛更貶號曰侯

平侯成侯子顯王三十七年己丑立八年

嗣君平公子顯王四十五年丁酉立更自貶曰君獨有濮陽在位四十二年

懷君嗣君子赧王三十三年己卯立二十七年周亡在位三十年朝魏魏囚殺之

元君嗣君弟魏之壻己酉魏立之十四年秦

拔衛置東郡徙之野王縣在位二十三年
衛君角元君子壬申立在位二十一年終壬
辰秦二世廢爲庶人衛亡

蔡國

蔡都上蔡侯爵姬姓武王封弟叔度於蔡
監殷後與管叔流言作亂放遷之而死其
子胡率德改行周公舉爲卿士復封於蔡
是爲蔡仲始叔度己卯終侯齊甲午二十
五君凡六百七十六年楚滅之

蔡叔名度文王子武王元年己卯就國在位
八年成王元年丙戌作亂放之而死丁亥
戊子國絕二年

蔡仲名胡蔡叔子率德改行成王四年己丑
復封於蔡

蔡伯名荒蔡仲子

宮侯蔡伯子

厲侯宮侯子

武侯厲侯子厲王十四年丙申立在位二十

六年二十三年庚申是共和元年

夷侯武侯子共和五年甲子立在位二十八年

僖侯名所事夷侯子宣王十九年壬辰立
在位四十八年

共侯名興僖侯子平王十年庚辰立
在位二十年

戴侯共侯子平王十二年壬午立
在位十年
宣侯名措父戴侯子平王二十二年壬辰立

歷代通鑑輯覽卷之二十一
莊侯在位三十五年

桓侯名封人宣侯子桓王六年丁卯立
在位二十年

哀侯名獻舞桓侯弟莊王三年丁亥立
十一年楚文王虜以歸留楚九年在位
二十年
繆侯名盼哀侯子惠王三年丁未立
在位二十九年齊桓公伐蔡虜而復歸之

莊侯名甲午繆侯子襄王七年丙子立
在位三十四年

文侯名申莊侯子匡王二年庚戌立在位二十年

景侯名同文侯子定王十六年庚午立在位四十九年爲太子般娶婦於楚而與婦通太子般弑之

靈侯名般景侯太子景王三年己未弑父自立在位十二年楚靈王誘之飲而殺之滅蔡使公子棄疾居之辛未壬申二年棄疾弑楚靈王自立復封盧於蔡

平侯名盧景侯子景王十七年癸酉立在位
七年

悼侯名東國靈侯孫隱太子友之子平侯立
而殺隱太子故悼侯攻平侯子而代立景
王二十四年庚辰卽位三年卒

昭侯名申悼侯弟敬王二年癸未立在位二
十八年與吳伐楚楚復國蔡遷於州來諸
大夫憚其復遷使賊利弑之

成侯名朔昭侯子敬王三十年辛亥立在位

十九年

聲侯名產成侯子元王五年庚午立在位十五年

元侯聲侯子貞定十四年乙酉立在位六年
侯齊元侯子貞定二十年辛卯立在位四年
終甲午楚惠王伐而滅之蔡亡

曹國

曹伯爵姬姓武王弟振鐸受封於曹始振
鐸已卯終伯陽甲寅二十五君凡六百三

十六年宋滅之

曹叔名振鐸文王子武王元年己卯就封

太伯名脾曹叔子

仲君名平太伯子

宮伯名侯仲君子

孝伯名雲宮伯子

夷伯名喜孝伯子周厲王十五年丁酉立在

位三十年二十四年庚申是共和元年

幽伯名強夷伯弟共和八年丁卯立在此九

年爲弟蘇所弑

戴伯名蘇幽伯弟宣王三年丙子立在位三十
年

惠伯名兕戴伯子宣王二十年丙午立在位
三十六年

穆公名武惠伯弟平王十二年壬午殺惠伯
子而自立在位三年

桓公名終生穆公子平王十五年乙酉立在
位五十五年

莊公名射姑桓公子桓王十九年庚辰立
在位三十一年

僖公名夷莊公子惠王七年辛亥立
在位九年

昭公名班僖公子惠王十六年庚申立
在位九年

共公名襄昭公子惠王二十五年己巳立
在位三十五年

文公名子壽共公子頃王二年甲辰立
在位

二十三年

宣公名盧文公子定王十三年丁卯立在位
十七年

成公名負芻宣公弟簡王九年甲申立在位
二十三年

武公名勝成公子靈王十八年丁未立在位
二十七年

平公名須武公子景王十八年甲戌立在位
四年

悼公名午平公子景王二十三年戊寅立
在位九年

聲公名野悼公子敬王六年丁亥立
在位五年爲弟通所弑

隱公名通平公弟敬王十一年壬辰立
在位四年爲弟露所弑

魯公康敬王十五年丙申立
在位四年

曹公名伯康敬王十九年庚子立
在位

位十五年終甲寅宋景公伐而殺之曹亡

鄭國

鄭都新鄭伯爵姬姓厲王之子宣王庶弟
友封於鄭始桓公乙未終康公丙午二十
三君凡四百三十二年韓滅之

桓公名友周厲王庶子宣王二十二年乙未
立在位三十六年犬戎攻幽王將兵救周
爲犬戎所殺

武公名掘突桓公子平王元年辛未立在位

二十七年

莊公名寤生武公子平王二十八年戊戌立
在位四十三年

厲公名突莊公子莊公卒祭仲立太子忽是
爲昭公宋誘執祭仲使立突桓王二十年
辛巳卽位四年祭仲復入昭公厲公出居
櫟十七年壬寅復入立七年共在位十一
年

昭公名忽莊公太子祭仲立之宋入厲公

奔衛莊王元年乙酉入立二年因出獵爲
高渠彌所弑

子亶昭公弟莊王三年丁亥立一年會首止
爲齊襄公所殺

子儀子亶弟莊王四年戊子立任位十四年
傅瑕弑之及其二子而入厲公

文公名捷厲公子惠王五年己酉立任位四
十五年有賤妾曰燕姑夢天與之蘭曰余
爲伯儵余爾祖也以是爲而子蘭有國香

是生穆公因名子蘭後晉請立以爲太子
穆公名子蘭文公子襄王二十五年甲午立
在位二十二年

靈公名夷穆公子定王二年丙辰立一年子
公染指於龍羹公怒因爲子公子家所弑
襄公名堅靈公庶弟定王三年丁巳立在位
十八年

悼公名潰襄公子定王二十一年乙亥立在
位二年

成公名踰悼公弟簡王二年丁丑立三年晉
執成公鄭立成公庶兄繻晉復歸之殺繻
在位十四年

僖公名憚成公子靈王二年辛卯立
在位五年子駟朝公公不禮爲子駟所弑

簡公名嘉僖公子靈王七年丙申立
在位三十六年子產執政

定公名寧簡公子景王十六年壬申立
在位十六年

獻公名董定公子敬王七年戊子立在位十

三年

聲公名勝獻公子敬王二十年辛丑立在位

三十七年

哀公名易聲公子貞定王七年戊寅立在位
八年鄭人弑之

共公名丑聲公弟貞定王十五年丙戌立在
位三十二年

幽公名已共公子威烈王三年戊午立在位

一年韓武子伐鄭殺之

繻公名貽幽公弟威烈王四年己未鄭人立
之在位二十七年殺相子陽爲其黨所弑
康公名乙幽公弟安王七年丙戌立在位二
十一年終丙午韓哀侯伐而滅之鄭亡

燕

燕都北燕侯爵姬姓武王克殷封召公奭
於燕至惠侯十世乃可紀至文公三十七
君凡七百九十年其後易王至王喜七君

凡一百一十一年始召公已卯終王喜已卯共四十四君九百零一年秦滅之

召公名奭與周同姓食采於召武王元年已卯就封次子畱相王室傳代無攷九世至惠侯

惠侯召公九世孫厲王十五年丁酉立在位三十八年二十四年庚申是共和元年

僖侯名莊惠侯子宣王二年乙亥立在位三十六年

頃侯僖侯子宣王三十八年辛亥立在位二十四年

哀侯頃侯子平王五年乙亥立在位二年

鄭侯哀侯子平王七年丁丑立在位三十六年

穆侯鄭侯子平王四十三年癸丑立在位十八年

宣侯穆侯子桓王十年辛未立在位十三年
桓侯宣侯子桓王二十三年甲申立在位七

年

莊公桓侯子莊王七年辛卯立在位三十三

年

襄公莊公子惠王二十年甲子立在位四十

年

桓公襄公子頃王二年甲辰立在位十六年

宣公桓公子定王六年庚申立在位十五年

昭公宣公子定王二十一年乙亥立在位十

三年

武公昭公子簡王十三年戊子立在位十九年

文公武公子靈王十八年丁未立在位六年
懿公文公子靈王二十四年癸丑立在位四年

惠公懿公子景王元年丁巳立在位九年
悼公惠公子景王十年丙寅立在位七年
共公悼公子景王十七年癸酉立在位五年
平公共公子景王二十二年戊寅立在位十

九年

簡公平公子敬王十六年丁酉立在位十二

年

獻公簡公子敬王二十八年己酉立在位二

十八年

孝公獻公子貞定王六年丁丑立在位十五

年

成公孝公子貞定王廿一年壬辰立在位十

六年

湣公成公子考王八年戊申立在位三十一年

僖公湣公子威烈王二十四年己卯立在位三十年

桓公僖公子烈王四年己酉立在位十一年
文公桓公子顯王八年庚申立在位二十九年

易王文公子顯王三十七年己丑立在位十二年
始僭稱王是爲戰國之始

王噲易王子慎靚王元年辛丑立在位七年
讓國於相子之燕大亂齊伐而殺之戊申
己酉二年燕無君後國人立太子平爲王
昭王名平王噲子赧王四年庚戌立伐齊復
仇在位三十三年

惠王昭王子赧王三十七年癸未立在位七
年爲成安君公孫操所弑

武成王惠王子赧王四十四年庚寅立在位
十四年

孝王武成王子赧王五十八年甲辰立二年
乙巳周亡丙午七國分王在位一年共三
年

王喜孝王子丁未卽位在位三十三年太子
丹遣荆軻刺秦始皇不克秦始皇二十五
年己卯伐燕虜之燕亡

吳國

吳都姑蘇子爵姬姓太王長子泰伯與弟
仲雍讓國於季歷去之荆蠻號曰勾吳泰

伯無子仲雍嗣立生季簡季簡生叔達叔
達生周章武王克殷求其後得周章已居
吳因以封之始周章已卯至夫差戊辰二
十一君凡六百五十年越滅之

周章仲雍曾孫武王元年已卯受封

熊遂周章子

柯相熊遂子

彊鳩夷柯相子

餘橋疑吾彊鳩夷子

柯盧餘橋疑吾子

周繇柯盧子

屈羽周繇子

夷吾屈羽子

禽處夷吾子

君轉禽處子

頗高君轉子

句卑頗高子

去齊句卑子

壽夢去齊子簡王元年丙子立吳始大稱王
在位二十五年有四子季札第四

諸樊壽夢長子靈王十二年辛丑立在位十
三年

餘祭壽夢次子靈王二十五年甲寅立在位
十七年

餘昧壽夢第三子景王十五年辛未立在位
四年

王僚餘昧子景王十九年乙亥立在位十二

年公子光弑之

閭閻名光諸樊子敬王六年丁亥自立十九
年伐楚入郢後與越戰於檣李傷指而死
夫差閭閻子敬王二十五年丙午立敗越伐
齊會諸侯於潢池與晉爭長在位二十三
年終戊辰越王句踐伐之自剄吳亡

虞國

虞公爵姬姓仲雍曾孫周章弟虞仲之後
武王克殷求泰伯仲雍後得周章已居吳

乃封虞仲於周之北故夏墟是爲虞仲傳
十二世至虞公爲晉獻公所滅世系無考

虢國

虢公爵姬姓王季之子文王弟虢仲之後
武王克殷封於陝之虢城至虢公爲晉獻
公所滅世系無考

滕國

滕侯爵姬姓文王子叔繡之後武王封叔
繡於滕十七世至宣公始見春秋至文公

後爲宋所滅

滕侯名叔繡

宣公名嬰齊滕侯十七世孫

昭公名元宣公子

文公名壽昭公子

成公名原文公子

悼公名寧成公子

頃公名結悼公子

隱公名虞毋頃公子

定公隱公子

文公定公子問喪禮於孟子

歷代帝王

終

歷代帝王曆祚考卷之三

新安吳繼安康侯甫編輯

吳明春伯生甫攷正

孫用之爾行甫校閱

周異姓諸侯

齊國

齊都營丘侯爵姜姓四嶽之後四嶽佐禹
平水土有功封於呂或封申其苗裔有呂
尚本姓姜氏從其封姓故曰呂尚爲周文

武師伐殷有功受封於齊始太公望己卯
終康公壬寅三十君凡七百四十四年田
和篡而滅之

太公望名尚文王號曰太公望武王元年己
卯就封

丁公名伋太公子

乙公名得丁公子

癸公名慈母乙公子

哀公名不辰癸公子紀侯譜之周周烹之

胡公名靜哀公異母弟徙都薄姑爲哀公弟

山所弑

獻公名山哀公同母弟徙都臨淄

武公名壽獻公子厲王二十九年辛亥立
在位二十六年十年庚申是共和元年

厲公名無忌武公子宣王四年丁丑立九年
暴虐胡公子復入攻殺之

文公名赤厲公子寧王十三年丙戌立
在位十二年

成公名說文公子宣王二十五年戊戌立在
位九年

莊公名購成公子宣王三十四年丁未立在
位六十四年

僖公名祿甫莊公子平王四十一年辛亥立
在位三十三年

襄公名諸兒僖公子桓王二十三年甲申立
在位十二年淫虐無道爲公孫無知所弑
無知僖公弟夷之子自立二月爲雍廩所弑

桓公名小白襄公弟莊王十二年丙申高奚立之齊始霸在位四十三年

十四年己酉陳公子完來奔是爲田氏
無詭桓公子豎刁立之三月齊人殺之

孝公名昭桓公子襄王十年己卯立十年

昭公名潘孝公弟襄王二十年己丑因衛公子開方殺孝公子而自立在位二十年

懿公名商人桓公子匡王元年己酉弑昭公
太子舍自立在位四年爲丙歟閭職所弑

惠公名元桓公子匡王五年癸丑立十年

頃公名無野惠公子定王九年癸亥立在此位

十七年

靈公名環頃公子簡王五年庚辰立在此位二

十八年

莊公名光靈公子靈王十九年戊申立在此位

六年通雀杼妻棠姜杼弑之

景公名杵臼莊公異母弟靈王二十五年甲

寅立晏嬰爲相在此位五十八年愛寵妾芮

姬生子荼立爲太子是爲晏孺子壬子公卒高國立荼一年田乞召公子陽生入殺之

悼公名陽生景公子敬王三十二年癸丑立
在位四年爲鮑牧所弑

簡公名壬悼公子敬王三十六年丁巳立
在位四年陳成子恒弑之

平公名騫簡公弟敬王四十年辛酉立
在位二十五年政由田氏

宣公名績平公于定王十五年丙戌立
在位五十一年

康公名貸宣公子威烈王二十二年丁酉立
在位二十六年終壬寅田和遷公於海濱
卒齊亡

宋

宋都彭城公爵子姓武王封紂子武庚於
此地武庚叛成王滅之乃封微子以奉殷
祀始微子子終王偃乙亥三十二君凡

八百二十八年齊楚魏滅之

微子名啓帝乙長子成王三年戊子就封

微仲名衍微子弟

宋公名稽微仲子

丁公名申宋公子

湣公名共丁公子

煬公名熙湣公弟湣公子鮒祀弑之

厲公名鮒祀湣公子

僖公名舉厲公子厲王二十一年癸卯立在

位二十八年十八年庚申是共和元年

惠公名驪僖公子共和十二年辛未立
在位三十年

哀公惠公子宣王二十八年辛丑立
一年

戴公哀公子惠公孫宣王二十九年壬寅立
在位三十四年

武公司空戴公子平王六年丙子立十八年
宣公名力武公子平王二十四年甲午立
在位十九年舍太子與夷而立弟和

穆公名和宣公弟平王四十三年癸丑立
在位九年舍太子馮而立宣公子與夷

殤公名與夷宣公子桓王元年壬戌立
在位九年戴公之孫華督殺孔父取其妻
公怒欲誅之督遂弑公而立公子馮

莊公名馮穆公子桓王十年辛未立
十九年湣公名捷莊公子莊王六年庚寅
立在此位十年與南宮萬獵因博爭行萬
有力以局弑公而立公子游宋人殺游
立桓公

桓公名欒說湣公弟釐王元年庚子立在位

三十一年

襄公名玆甫桓公子襄王二年辛未立在位
十四年與楚戰於泓敗傷而卒

成公名王臣襄公子襄王十六年乙酉立在
位十七年弟欒殺其太子自立宋人殺之
昭公名杵臼成公少子襄王三十三年壬寅
立無道國人不附在位九年襄公夫人使
衛伯攻殺昭公而立昭公弟鮑革

文公名鮑華昭公弟匡王三年辛亥立在位

二十二年

共公名瑕文公子定王十九年癸酉立在位
十三年司馬唐山殺太子肥宋人誅山

平公名成共公少子簡王十一年丙戌立在
位四十四年

元公名佐平公子景王十四年庚午立在位
十五年爲魯昭公求入魯行卒於道

景公名頭曼元公子敬王四年乙酉立三十

年甲寅滅曹在位六十六年

昭公名特元公之後元公生少子櫛秦櫛秦
生公孫糾糾生特貞定王二十年辛卯立
在位四十七年

悼公名購由昭公子威烈王二十三年戊寅
立在位八年

休公田悼公子安王七年丙戌立二十三年
辟公名兵休公子烈王四年己酉立三年

宋公名剔成辟公子烈王七年壬子立在位

四十一年爲弟偃所襲出奔齊

上偃辟公子顯王四十一年癸巳逐兄自
僭號稱王暴虐無道諸侯謂之桀宋在
十三年終乙亥齊楚魏共伐宋殺王
偃三分其地宋亡

陳國

陳侯爵嬀姓舜後虞幕之裔居於嬀汭因
以爲姓武王克殷求舜後得滿以元女大
姬配之封之於陳以備三恪始胡公巳卯

終閔公壬戌二十四君凡六百四十四年
楚滅之

胡公滿閔父之子武王元年己卯就封

申公名犀胡公子

相公名臯羊申公弟

孝公名突申公子

慎公名圉戎孝公子

幽公名寧慎公子厲王二十五年丁未立在

位二十三年十四年庚申是共和元年

僖公名孝幽公子共和十一年庚午立在位

三十六年

武公名靈僖公子宣王三十三年丙午立在位十五年

夷公名說武公子幽王二年辛酉立三年

平公燮夷公弟幽王五年甲子立二十三年

文公名圉平公子平王十七年丁亥立十年

桓公名鮑文公子平王二十七年丁酉立在

位三十八年四子太子免次躍次林少杵

曰

厲公名佗文公少子母蔡女桓王十四年乙亥蔡爲殺太子免與五父而立之二年生子完在位七年太子免弟躍與蔡人誘殺公

利公名躍太子免弟立五月卒

莊公名林桓王二十一年壬午立
在位七年宣公名杵臼莊王五年巳丑立
在位四十五年有嬖姬生子欵公殺太子禦寇而立欵

禦寇素愛公子完完懼奔齊

穆公名欵襄王五年甲戌立 在位十六年

共公名朔穆公子襄王二十一年庚寅立 在

位十八年

靈公名平國共公子頃王六年戊申立 在位十五年
淫於夏姬夏姬子舒徵弑之

成公名午靈公子定王九年癸亥楚莊王伐
陳誅舒徵而立之 在位三十年

哀公名弱成公子靈王四年癸巳立 在位三

十五年鄭姬生悼太子師嬖妾生畱畱有
寵公屬於弟司徒招公病招殺太子立畱
公怒招遂圍公公自經楚聞亂伐陳滅之
惠公名吾悼太子之子陳滅五年楚平王立
欲和諸侯求吾立之景王十七年卽位續
哀公卒時戊辰年爲元共二十八年

懷公名柳惠公子敬王十五年丙申立四年
朝吳吳畱之卒於吳

潁公名越懷公子敬王十九年庚子立在位

越國

二十三年終壬戌楚惠王伐陳滅之陳亡
越都會稽子爵姒姓其先禹之苗裔少康
庶子無餘封於越世守禹祀歷殷至周傳
二十餘世至允常拓土始大子句踐滅吳
霸中國七世至無疆伐楚兵敗被殺越亡
宗族分散其後朝服於楚七世至閩君搖
佐諸侯平秦漢高祖封爲越王奉越祀後
東越閩越君皆其裔也

越王名句踐允常子滅吳稱霸

王鼫與句踐子

王不壽鼫與子

王翁不壽子

王翳翁子

王之侯翳子

王無疆之侯子伐楚兵敗被殺

杞國

杞都雍丘公爵姒姓武王克殷求夏之後

得東樓公封之於杞以奉夏祀五世至武
公始見春秋至簡公十六君凡二百五十
年爲楚所滅

東樓公

西樓公東樓公子

題公西樓公子

謀娶公題公子

武公謀娶公子立四十七年

靖公武公子立二十三年

共公靖公子立八年

德公卽惠公共公子立十八年

成公惠公子立十八年

桓公名姑容成公弟立十七年

孝公名句桓公子立十七年

文公名益姑孝公弟立十四年

平公名郁釐文公弟立十八年

悼公名成平公子立十二年

隱公名乞悼公子立七月爲弟過所弑

釐公名過弑兄自立十九年

湣公名維釐公子立十六年爲弟闕路所弑

哀公名闕路弑兄自立十年

出公名遨湣公子立十二年

簡公名春出公子立一年楚惠王滅之杞亡

許國

許都潁川男爵姜姓四嶽伯夷之後武王
封其苗裔文叔於許以續大嶽之嗣十一
世莊公始見春秋國小近鄭鄭滅之

文叔

德男

伯封

孝男

靖男

康男

武公

文公名興父

莊公名蒍

桓公名鄭

僖公名業

穆公名新臣

昭公名錫我僖公子

靈公名甯昭公子

悼公名買靈公子爲太子止所弑

許公名斯悼公子

元公名成悼公子

公結元公子爲鄭所滅許

邾國

邾附庸國子爵曹姓顓臾之後陸終第五子安苗裔武王克殷封曹挾於邾十二世至邾子克始見春秋傳九世桓公革爲楚所并邾亡

邾儀父名克

文公名蘧蒢

定公名黶且

宣公名慆

悼公名華

莊公名穿

隱公名益

桓公名革

莒國

莒子爵已姓少昊之後武王克殷封茲與
於莒十一世至茲丕公始見春秋自共公
以下微弱不復見

莒子

紀公庶其

渠丘公僕

犁比公密州爲子展與所弑

著丘公展與

郊公名狂著丘公子

共公庚與展與弟國人逐之

薛國

薛侯爵任姓黃帝之苗裔仲虺居薛爲湯
佐相武王克殷復其封爲薛侯齊桓公出

之爲伯春秋後六世齊滅之

薛侯

獻公穀

襄公定獻公子

君比襄公子國人弑之

惠公夷襄公子

楚國

楚都郢子爵芊姓顓頊四世孫重黎弟吳回之後吳回生陸終陸終生六子坼剖而

產其六曰季連季連之後鬻熊爲周文武
師成王封其曾孫熊繹於荊蠻國號楚始
熊繹丙戌終王負芻戊寅四十君凡八百
九十三年秦滅之

按陸終娶鬼方氏之妹謂之女嬪一生六
子坼剖而產長曰昆吾名樊爲己姓衛是
也次曰參胡惠連是爲參胡韓是也三曰
彭祖名翳一名錢鏗爲彭姓至殷末年已
七百六十七歲而不衰老遂往流沙之西

四曰會人求言是爲鄒人鄭是也五曰曹
姓安是爲曹姓邾是也六曰季連芊姓楚
其後也

熊繹鬻熊曾孫鬻熊生麗麗生狂狂生繹成
王元年丙戌就封居丹陽

熊艾熊繹子

熊黜艾之子

熊勝黜之子

熊揚勝之子

熊渠揚之子甚得江漢間民和以蠻夷不與中國號謚立長子毋康爲句亶王次子摯紅爲鄂王少子執疵爲越章王後畏厲王暴虐自去其王號

熊摯紅渠次子兄毋康蚤死故立後爲弟熊延所弑

熊延渠之子弑兄自立

熊勇延之子厲王三十一年甲寅立在位十年七年庚申是共和元年

熊嚴勇之弟共和五年甲子立
在位十年
熊霜嚴之子宣王元年甲戌立
在位六年
熊狗霜之弟宣王七年庚辰立
二十二年
熊鄂狗之子宣王二十九年壬寅立
九年
若敖熊儀鄂之子宣王三十八年辛亥立
在

位二十七年

霄敖熊坎若敖子平王八年戊寅立
六年

蚡冒熊眡霄敖子平王十四年甲申立
在位

十七年

武王熊通蚡冒弟平王三十一年辛丑弑蚡
冒子代立請尊號於周不克自稱武王在
位五十一年伐隨卒於軍中

文王熊貲武王子莊王八年壬辰立始都郢
在位十三年

杜敖熊羆文王子惠王元年乙巳立在位五
年欲殺弟惲惲奔隨襲弑王

成王熊惲文王子惠王六年庚戌殺兄自立
在位四十六年爲太子商臣所弑

穆王名商臣襄王二十七年丙申弑父自立
在位十二年

莊王名侶穆王子頃王六年戊申立淫樂不
聽政三年忽行誅賞遂霸諸侯觀兵問鼎
在位二十三年

共王名審莊王子定王十七年辛未立鄢陵
之戰晉敗楚射王中目在位三十一年有
五子太子招子圉子比子皙棄疾

康王招共王子靈王十三年壬寅立十五年

歷代考 卷三 十九
郊敖名員康王子景王元年丁巳立在位四年公子圍問疾絞而弑之及其子莫與平靈王名圍康王弟景王五年辛酉立在位十二年公子棄疾殺太子祿而立兄子比爲王子皙爲令尹靈王餓死於乾谿

平王名棄疾改名熊居共王少子詐弑兩主而自立景王十七年癸酉卽位十三年寵費無極納太子建婦生熊珍殺伍奢及其子尚伍員奔吳太子建奔宋

昭王名珍平王子敬王五年丙戌立十年吳
伐楚入郢出奔次年復國在位二十七年
惠王名章昭王子敬王三十二年癸丑立在
位五十七年

簡王中惠王子考王十年庚戌立二十四年
聲王名當簡王子元王十九年甲戌立在位
六年爲盜所殺

悼王類聲王子安王元年庚辰立二十一年
肅王名臧悼王子安王二十二年辛丑立在

位十一年

宣王熊良夫肅王弟烈王七年壬子立在位
三十年是時列國皆稱王是爲戰國之始
威王熊商宣王子顯王三十年壬午立在位
十一年

懷王熊槐威王子顯王四十一年癸巳立在
位三十年疏屈原聽張儀秦昭王誘入武
關拘留之卒於秦

頃襄王名橫懷王子赧王十七年癸亥立在

位三十六年

考烈王熊完頃襄王子赧王五十三年己亥
立七年乙巳周亡丙午列國分王在位十
八年共二十五年

幽王名悍考烈王子甲子立在位十年

哀王名猶幽王同母弟立二月弟負芻弑之
王負芻幽王庶弟甲戌弑兄自立五年終戊
寅秦始皇伐楚虜之楚亡

秦

秦都咸陽伯爵嬴姓顓頊女孫曰女脩生
子大業大業生大費是爲伯爵佐禹平水
土有功賜姓嬴十四世孫蜚廉生惡來惡
來玄孫非子爲周孝王主馬於汧渭之間
馬大蕃息乃分封爲附庸而邑之秦號曰
秦嬴至襄公伐犬戎有功平王始封爲諸
侯始非子丙子終莊襄王甲寅三十七君
凡六百四十二年至始皇二十五年始并
六國天下一統稱帝呂昌嬴姓秦亡

非子大駱子夷王十一年丙子就封在位二十八年

秦侯非子子厲王二十二年甲辰立十年
公伯秦侯子厲王三十二年甲寅立三年

秦仲公伯子厲王三十五年丁巳立
在位二十六年四年庚申是共和元年西戎滅犬
丘大駱之族周命秦仲誅之爲戎所殺

莊公秦仲長子兄弟五人周宣王七年庚辰
與兵七千使伐西戎破之復立爲秦仲後

及大駱地在位四十四年

襄公莊公子幽王五年甲子立在位十二年
犬戎伐幽王將兵救周又以兵送平王東
遷平王始封爲諸侯賜以岐西之地

文公襄公子平王六年丙子立在位五十年
初爲郕時得陳寶

寧公文公孫父太子蟬公蚤死桓王五年丙
寅寧公十歲立在位十二年

出子寧公少子桓王十七年戊寅出子方五

歲大庶長三父等廢太子立之立六年後
令人賊殺之

武公寧公太子桓王二十三年甲申立在位
二十年卒太子白不立立弟初以人從死
有六十六人

德公寧公次子出子同母兄釐王五年甲辰
立卜居雍在位二年

宣公德公長子惠王二年丙午立在位十二
年子九人不立立弟

成公德公中子惠王十四年戊午立。在位四
年。子七人。不立。立弟。

穆公名任。好德。公少子惠王十八年壬戌立。
尊賢使能。廣地益國。東服疆晉。西霸戎夷。
在位三十九年。子四十四人死。以人殉。從
死者百七十七人。三良與焉。

康公名罃。穆公子襄王三十二年辛丑立。在
位十二年。

共公名和。康公子匡王五年癸丑立。五年。

桓公共公子定王四年戊午立二十七年

景公名后桓公子簡王十年乙酉立四十年
哀公景公子景王九年乙丑立在位三十六
年太子夷公蚤卒立夷公子惠公

惠公哀公孫敬王二十年辛丑立在位十年
悼公惠公子敬王三十年辛亥立十四年

厲共公悼公子敬王四十四年立三十四年
躁公厲共公子貞定王二十七年己亥立在

位十四年

懷公躁公弟考王十三年癸丑立四年大臣
圍懷公公自殺太子昭子蚤死立其子

靈公懷公孫威烈王二年丁巳立在位十年
子獻公不得立立季父悼子

簡公名悼子懷公子威烈王十二年丁卯立
在位十五年

惠公簡公子安王三年壬午立在位十三年
出子惠公子安王十六年乙未立在位二年
庶長改迎靈公子獻公於河西而立之殺

出子及其母沈之淵

獻公靈公子安王十八年丁酉立二十三年
孝公獻公子顯王八年庚申立在位二十四
年初用商鞅變法秦益彊

惠文王孝公子顯王三十二年甲申立十三
年始僭稱王更元十四年爲戰國之始共
在位二十七年

武王名蕩惠文王子赧王五年辛亥立在位
四年王有力好戲舉鼎絕膺而死

昭襄王名稷武王異母弟赧王九年乙卯立
五十一年乙巳伐周赧王入秦獻邑周亡
列國分王立五年共在位五十六年

孝文王名柱昭襄王子卽位三日薨

莊襄王名楚孝文王子辛亥立滅東周君在
位四年終甲寅子政嗣立實呂不韋之子
并天下稱帝秦嬴亡

戰國諸侯

秦國

惠文王

武王

昭襄王

孝文王

莊襄王

始皇帝

楚國

宣王

威王

懷王

頃襄王

考烈王

幽王

哀王

王負芻

燕

易王

王噲

昭王

惠王

武成王

孝王

王喜

田齊國

田齊都臨淄舜之後陳公子完奔齊不欲
舉故國號以陳字改爲田氏五世生無宇
始大於齊至無宇子田和遷齊康公於海

上魏文侯爲請於周以爲諸侯始太公田
和乙未終王建庚辰七君凡一百六十六
年內除八年在康公年數內實一百五十
八年秦滅之

太公田和莊子白之子安王十六年齊康公
十九年乙未就封在位二年

桓公名午太公子安王十八年齊康公二十
一年丁酉立_{在位}六年是歲康公卒祀絕
威王桓公子安王二十四年癸卯立始僭稱

王在位三十六年

宣王名辟疆威王子顯王二十七年己卯立
在位十九年伐燕勝之稷下士盛孟軻去
齊

湣王名地宣王子顯王四十六年戊戌立在
位四十年燕伐齊出奔爲淖齒所殺

襄王名法章湣王子赧王三十二年戊寅立
在位十九年

王建襄王子赧王五十一年丁酉立九年乙

已周亡丙午列國分王在位三十五年共
四十四年終庚辰秦伐而降之遷於松栢
之間餓死齊亡

趙國

趙都邯鄲其先與秦共祖至蜚廉生子二
長惡來爲秦祖次季勝生孟增孟增生衡
父衡父生造父周穆王始封於趙城七世
生叔帶事晉始建趙氏於晉國又五世生
趙夙又七世生簡子鞅鞅生無卹世爲晉

卿四世生籍與韓魏三分晉受威烈王命
爲諸侯始烈侯癸酉終代王嘉己卯十一
君凡一百八十七年秦滅之

烈侯名籍獻侯浣子威烈王十八年癸酉受
封在位九年

武侯烈侯弟安王三年壬午立在位十三年
敬侯名章烈侯子安王十六年乙未立在位
十二年始分晉滅之入戰國

成侯名種敬侯子烈王二年丁未立在位二

十五年

肅侯名語成侯子顯王二十年壬申立在位
二十四年

武靈王肅侯子顯王四十四年丙申立時列
國皆稱王武靈王使國人謂已曰君不肯
稱王國人稱之在位二十七年太子章作
亂成兌圍之於沙丘餓死

惠文王名何武靈王子赧王十七年癸亥立
在位三十三年

孝成王名丹惠文王子赧王五十年丙申立
九年乙巳周亡丙午列國分王在位十一
年共在位二十一年

悼襄王名偃孝成王子丁巳卽位在位九年
幽穆王名遷悼襄王子丙寅卽位八年秦伐
趙虜王遷放於房山

代王名嘉悼襄王長子甲戌秦旣虜遷趙大
夫立嘉六年終己卯爲秦所滅趙亡

魏國

魏都大梁與周同姓畢公高苗裔畢萬之
後畢萬事晉晉獻公滅魏以封萬後桓子
滅智伯分三晉孫斯受威烈王命爲諸侯
始文侯丁巳終王假丙子八君凡二百年
秦滅之

文侯名斯桓子之孫威烈王二年丁巳立十
八年命爲諸侯在位三十八年

武侯名擊文侯子安王十六年乙未立烈王
元年丙午始分晉國滅之入戰國在位十

六年

惠王名罃武侯子烈王六年辛亥立始僭稱
王立三十六年孟軻至梁又後元立十七
年共在位五十三年

襄王名赫惠王子慎靚王四年甲辰立在位
二十三年史記以顯王三十五年丁亥後
元爲襄王年襄王年爲子哀王年

昭王襄王子赧王廿一年丁卯立十八年

安釐王昭王子赧王三十九年乙酉立二十

一年乙巳周亡丙午列國分王在位十三年共在位三十四年

景閔王名增安釐王子己未立在位十五年王假景閔王子甲戌立在位三年終丙子秦伐魏灌大梁虜之魏亡

韓國

韓都宜陽與周同姓晉曲沃莊伯之弟曰韓萬其孫簡爲定伯生子與封虢韓原曰韓武子三世生厥爲晉卿八世生康子分

晉國十世生虔受威烈王命爲諸侯始景
侯虔癸酉終王安辛未十一君凡一百七
十九年秦滅之

景侯名虔武子啓章之子威烈王十八年癸
酉受封在位九年

列侯名取景侯子安王三年壬午立十三年
文侯列侯子安王十六年乙未立在位十年
哀侯文侯子安王二十六年乙巳立始分晉
國滅之入黜國在位六年韓嚴弑之

懿侯哀侯子烈王六年辛亥立
在位十二年
昭侯懿侯子顯王十一年癸亥立
二十六年
宣惠王昭侯子顯王三十七年己丑立
始僭稱王在位二十一年

襄王名倉宣惠王子赧王四年庚戌立
在位十六年

釐王名咎襄王子赧王二十年丙寅立
在位二十三年

桓惠王釐王子赧王四十三年己丑立

年乙巳周亡丙午列國分王在位十八年
共三十四年

王安桓惠王子癸亥卽位九年終辛未秦伐
韓虜之韓亡

謹按周赧王五十九年乙巳周亡七國爭
雄正統不續凡三十四年起丙午至元順
帝至正丁未共計一千六百二十二年

○秦

秦始皇乙卯終子嬰甲午三主凡四十年自

始皇庚辰卽皇帝位得統凡十五年爲漢高祖所滅

始皇帝名政莊襄王子實呂不韋之子冒秦嬴姓乙卯卽王位二十五年并滅六國天下一統二十六年庚辰卽皇帝位以周火德王秦代周從所不勝爲水德都咸陽除謚法稱始皇帝二世三世至萬世滅封建而置郡縣焚詩書以愚黔首殺豪傑僇儒生造阿房築長城封泰山遊東海在位十二年崩於沙丘遺

詔立長子扶蘇趙高與李斯矯詔立少子胡亥是爲二世皇帝

二世皇帝名胡亥始皇少子始皇二十餘子亥最愛從始皇遊幸故始皇崩得立壬辰卽位趙高用事指鹿爲馬揜蔽聰明羣盜起天下亂在位三年趙高使齋望夷宮弑之

王子嬰始皇子二世兄趙高弑二世而立之卽位族滅趙高立凡六十四日沛公兵入關迎降後爲項羽所殺秦亡

謹按秦起庚辰至元順帝至正丁未共計
一千五百八十八年

秦末諸國

楚國

楚隱王陳勝字涉陽城人與陽夏人吳廣俱
爲屯長督九百人戍漁陽失期當死二世
元年壬辰七月起兵反遂入據陳稱陳王
國號張楚十二月爲其御莊賈殺以降秦
凡立六月

景駒陳人與秦嘉起兵於郟二世二年癸巳
端月陳王敗死駒乃據畱自立爲楚王凡
四月項梁擊殺之

項梁下相人故楚將項燕之子與兄子籍避
仇吳中二世元年壬辰九月聞陳涉起兵
遂殺會稽守殷通反自號武信君以八千
人渡江而西二年癸巳九月戰於定陶爲
秦將章邯所殺凡立一年一月

義帝名心故楚懷王裔孫在民間爲人牧羊

二世二年癸巳六月項梁求而立之都盱
眙漢王元年乙未十二月秦旣滅項籍尊
之爲義帝徙其都於長沙九月使英布要
之於江中弑之凡立二年二月

西楚霸王項籍字羽項梁之姪勇力絕世兩
目重瞳子二世元年壬辰九月與叔梁起
兵渡江二年癸巳九月項梁死於定陶楚
王封羽於魯爲次將北救趙漢王元年乙
未十二月入關殺秦降王子嬰始爲天下

主命立十八王分楚爲四齊爲三趙二燕
二魏二韓二關中爲四尊楚王爲義帝自
稱西楚霸王都彭城四年戊戌十二月漢
兵圍之垓下戰敗至烏江自刎凡立四年
楚亡

分衡山王吳芮都邾始故番君漢王元年乙未
一月項籍分封芮於衡山後五年己亥一
月漢徙之長沙七月而薨凡立五年謚文
王子成王臣六年庚子嗣立在位八年薨

子哀王明漢惠帝二年戊申嗣立。在位七年薨。子恭王若呂后二年乙卯嗣立。在位九年薨。子靖王著孝文帝三年甲子嗣立。在位二十一年。後元七年甲申來朝薨。無後。國除。通共五十年。

分臨江王共敖都江陵。始故楚柱國。漢王元年乙未一月項籍分封敖於臨江。三年丁酉七月薨。子驩嗣立。四年戊戌十二月漢虜滅之。父子共立四年。

分九江王英布都六始故楚將漢王元年乙未
一月項籍分封布於九江二年丙申十三
月降漢地屬項籍凡立二年四年戊戌七
月漢復立於淮南爲武王都壽春十年甲
辰反誅國除凡立七年共九年

趙國

武臣陳人陳王使之將兵徇趙二世元年壬
辰八月自立爲王二年癸巳十一月其將
李良襲而殺之凡立一年四月

分
趙歇趙之後二世二年癸巳端月張耳陳餘
擊殺李良立之居信都漢王元年乙未十
一月項籍分封歇於代二年丙申十月爲
漢將韓信所滅凡立四年

更
常山王張耳都襄國始故趙相漢王元年乙
未一月項籍更封耳於常山後十月降漢
三年丁酉漢復立耳爲趙王五年己亥九
月薨凡立二年六年庚子子敖嗣立在位
四年而廢父子共立六年趙亡

齊國

田儋狄人故齊王族二世元年壬辰九月聞
陳涉起兵乃詐縛奴謁令遂殺令起兵自
立爲王二年癸巳六月爲秦將章邯所殺
凡立十月

分

田市儋之子儋死齊人立故王建弟假爲王
凡一月二世二年癸巳八月田榮擊殺田
假立市漢王元年乙未一月秦旣滅項籍
分封市於膠東都卽墨六月市走就國田

榮追擊殺之凡立四年地屬齊

更臨淄王田都都臨淄始故齊將漢王元年乙未一月項籍更封都於臨淄五月田榮擊殺之凡立四月地屬齊

分濟北王田安都博陽始故齊將漢王元年乙未一月項籍分封安於濟北七月田榮擊殺之凡立六月地屬齊

田榮儋之從弟漢王元年乙未六月殺市自立爲王并三齊地凡八月楚伐之敗走平

原平原民攻殺之

田廣榮之子漢王二年丙申二月田橫立之
三年丁酉十一月爲漢將韓信所虜凡立
二年

田橫榮之弟聞廣死自立爲王凡一年漢兵
敗之走梁懼誅與五百人入海島漢高祖
召之與二客乘傳詣洛陽未至三十里自
剄到五百人聞之皆自殺齊亡

燕國

更韓廣趙王將二世元年壬辰九月趙王使狗
燕地乃自立爲王漢王元年乙未一月項
籍封廣爲遼東王都無終八月燕王臧荼
擊殺之凡立四年

分臧荼始故燕將漢王元年乙未一月項籍分
封荼於燕五年己亥九月反漢虜滅之凡
立五年

魏國

魏咎故魏公子封甯陵君秦遷咎爲家人陳

勝起使周市徇魏地二世元年九月立咎
爲王二年癸巳六月秦將章邯圍之於臨
濟自殺凡立十月

更
魏豹咎之弟咎死豹走楚二世二年癸巳九
月復徇魏地立爲王漢王元年乙未一月
項籍分封豹爲西魏王二年丙申八月漢
遣韓信伐魏虜之凡立三年二月魏亡

分
殷王司馬卬都朝歌始故趙將漢王元年乙
未一月項籍分封爲殷王十二月趙陳餘

擊滅之凡立一年

韓

更韓成故韓公子封橫陽君二世二年癸巳六月張良說項梁立以爲王都陽翟及梁敗死定陶成乃奔楚凡立二年項籍分封爲韓王然以其不從入關無功不遣就國而殺之

分河南王申陽都洛陽始故楚將漢王元年乙未一月項籍分封爲河南王十一月敗降

屬漢焉河南郡凡立十一月

關中四王

分漢王都南鄭始故沛公漢王元年乙未一月

項籍分關中封漢凡四年滅楚卽帝位

分雍王章邯都廢丘始故秦將漢王元年乙未

一月項籍分關中封雍二年丙申六月漢

伐殺之凡立一年五月

分塞王司馬欣都櫟陽始故秦長史漢王元年

乙未一月項籍分關中封塞八月漢伐降

之凡立七月

分翟王董翳都高奴始故秦都尉漢王元年乙未一月項籍分關中封翟八月漢伐降之凡立七月

歷代帝王曆祚考卷之三終